



Inatsisartunut ilaasortaq Aleqa Hammond
/Maani

§ 36 – 129

18. juni 2010
Sagsnr. 2010-032604
Dok. Nr. 400717

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Europarådimi Torturkommiteep 2008-mi Danmarkimi tikeraarnerata nanginneratut Torturkommiteep nalunaarussiaq una saqqummiuppaa: "Report to the Government of Denmark on the visit to Denmark carried out by the European Committee for the Prevention of Torture and Inhuman or Degrading Treatment or Punishment". Tassanga takuneqarsinnaavoq parnaarussat tiingasarnermut annikillisaataasumik nakorsaasersorneqartut tamarmiunngitsut, tassunga ilanngullugit Herstedvesterimi isertitsivimmi Kalaallinut immikkoortortaqarfimmi kalaallit parnaarussat, katsorsartinnermi saniatigut sunniutaasartut ilisimaneqartut tamaasa pillugit naammattumik ilisimatinneqartarsimangitsut. Apersuinerit saqummerpoq parnaarussat tiingasarnermut annikillisaataasumik nakorsaasersorneqartut anisinnaajumallutik, misiligutaasumik parnaarussivimmit anisikkal-larneqarusullutik imaluunniit parnaarussivimmut ammasumut nuunneqarusullutik katsorsartinneqarnissaq akuerisaraat. Aamma parnaarussat taakku nakorsaatigut katsorsartinneqarnerup saniatigut tarnip pissusaatigut inuullu pissusilersortarneratigut annikitsuinarmik katsorsartinneqartartut paasineqarpoq. Parnaarussat tiingasarnermut annikillisaataasumik nakorsaasersorneqarnissamut itigartitsisimasut oqaatigivaat nakorsaatinik katsorsarneqarnissamut akuersinissamut kimigiiserfigineqartarsimallutik.

Pissutsit tamakku Naalakkersuisunit ilungersunartutut isigineqarput.

Nunatsinni innuttaasut nunaminnit ungasissorsuarmi parnaarussivimiittussatut pineqaatissinneqarsimasut atugaannut Naalakkersuisut soqutiginnitorujussuupput. Taamatut immikkut eqqartuunneqarsimasunik inissaqartitsisumik Nunatsinni nutamik parnaarussiviliornissaq Naalakkersuisunit annertuumik pingaartinneqarpoq. Tassunga atatillugu Kalaallit eqqartuunneqarsimasut qallunaat eqqartuunneqarsimasut assigalugit iliuuseqarfigineqarnissaat qulakkeerniarlugu eqqartuussisoqarnikkut danskinik oqartus-sanik ingerlaavartumik Naalakkersuisut oqaloqateqarput. Tassunga atatillugu Naalakkersuisut ajuusaarutigisaannik paasineqarpoq Nunatsinni isertitsivinni katsorsaanis-samut neqeroorutit ullumikkut amigaateqartut. Nuummi parnaarussivimmik nutamik sanaartorneq, tassunga ilanngullugu parnaarussiviup ilusilersornera danskit Inatsisunik atortitsinerit ministeriata augustip qaammataani taassuma tikeraarnerani Naalakkersuisut Siulittaasuata oqaluuserisassatut ilanngussimavaa.

Danskit Inatsisunik atortitsinerit ministerianik naapitsinerit sammisassaq alla tassaas-saaq Pinerluttulerinermi inatsimmi piffissamik killiliinani pillaasarnerup atorunnaarsin-neqarnissaa.

Ikinngutinnersumik inuulluaqqusillunga

Kuupik Kleist